

Gwneud Cais Am Brawf yn Electronig Mewn Practisiau Meddygon Teulu




Mae practisiau meddygon teulu yng Nghymru yn disodli eu ceisiadau am brofion ar bapur gyda system ddigidol. Mae'r system electronig ar gyfer gwneud ceisiadau, sef **GPTR** - yn cael ei chyflwyno mewn practisiau ledled y wlad.

Gyda miloedd o brofion gwaed yn cael eu gwneud bob wythnos yng Nghymru, mae GPTR yn helpu i brosesu canlyniadau yn gynt. Tan yn ddiweddar, mae ceisiadau am brofion wedi bod yn cael eu gwneud ar bapur yn bennaf, ond mae GPTR yn golygu y gall staff brosesu'r ceisiadau a derbyn y canlyniadau yn ddigidol.

“Mae pawb yn y practis yn falch iawn ein bod ni wedi newid, ac ni fyddem yn gallu bod heb y system newydd nawr”

Gaynor Pick, Rheolwr Practis,
Canolfan Iechyd Underwood, Casnewydd



Sut mae'n GWEITHIO?



01

Bydd meddyg teulu, nyrs neu fferylllydd y practis yn penderfynu pa brofion sydd eu hangen ar y claf.

02

Bydd y system yn adnabod y prawf sydd ei angen ac yn gwirio'r holl brofion gofal sylfaenol ac eilaidd yng Nghymru, gan wirio a yw'r prawf eisoes cael ei gynnal.

03

Bydd y sawl sy'n gwneud y cais yn cwblhau ffurflen gais ar-lein.

04

Bydd manylion cleifion yn cael eu tynnu'n awtomatig o gofnod y meddyg teulu a bydd y manylion yn cael eu mewnbynnu i'r ffurflen gais electronig.

05

Bydd nifer y sbesimenau a'r mathau o sbesimenau sydd eu hangen ar gyfer pob prawf wedi'u diffinio yn y system ymlaen llaw.

06


Bydd labeli'n cael eu hargraffu yn y practis meddyg teulu ac yn cael eu hatodi i'r samplau.

07

Bydd y labordy yn derbyn y sampl ac yn sganio'r label, a fydd yn cynnwys yr holl wybodaeth glinigol a'r wybodaeth am y claf.

08

Bydd y prawf yn cael ei gynnal a bydd y canlyniadau'n cael eu hanfon yn ôl at y practis meddyg teulu yn uniongyrchol.



Defnyddio GPTR

| stori o Lynebwy

Aeth GPTR yn fyw ym mhreactis Pen-y-Cae Surgery yng Nglynebwy ym mis Mehefin 2019. Yn ystod y tri mis cyntaf, cynyddodd defnydd y practis o geisiadau electronig o 5% i 85%. Roedd Robert Attridge, Rheolwr y Practis, o'r gred fod y lansiad yn llwyddiannus oherwydd ei fod wedi sicrhau bod ei staff yn gwybod pam mae'r system mor bwysig, gan eu hannog i ofyn am gymorth a hyfforddiant pan fyddai eu hangen arnynt.

Roedd gosod targedau yn ddull defnyddiol arall o gynyddu niferoedd y ceisiadau electronig. Mae Bwrdd Iechyd Prifysgol Aneurin Bevan yn cyhoeddi ffigurau ar y practisiau sy'n perfformio orau yn yr ardal bob mis, ac anogodd Robert y staff ym Mhen-y-cae i berfformio'n well na'u practisiau cyfagos.



“Mae wedi bod yn wych gallu gweld y tabl canlyniadau bob mis. Mae wir yn rhywbeth i anelu amdano”

Robert Attridge, Rheolwr Practis Pen-y-cae Surgery



Mae cyfarfodydd byr hefyd wedi bod yn rhan bwysig o lwyddiant y system. Esboniodd Robert,

“Rydyn ni wedi newid o fod yn dîm sy'n defnyddio'r system ceisiadau am brofion yn ysbeidiol, lle na fyddai pawb yn y tîm yn ei defnyddio, i fod yn dîm cyfan sy'n ei defnyddio yn gyson, gan ddefnyddio'r broses honno a chredu ynddi. Rydyn ni wedi llwyddo i wneud hyn drwy gyfarfodydd dyddiol i siarad am y broses, ac i siarad am y rhesymau dros ei defnyddio.”

Mae'r hyfforddiant a'r cymorth y mae'r tîm wedi cael eu cynnig hefyd wedi bod yn hanfodol. “Mae John Pheasant, o'r Bwrdd Iechyd, wedi darparu hyfforddiant ardderchog a phwrpasol i unigolion y gallai fod wedi bod angen mwy o gefnogaeth arnynt”, esboniodd Robert, “ac rydyn ni wedi defnyddio rhai dulliau ffantastig sydd wedi cael eu darparu i ni, fel grwp WhatsApp GPTR. Mae wedi rhoi gwybodaeth wych i fi, fel rhywun sydd wedi bod yn gweithio ym maes gofal sylfaenol ers ychydig fisoedd yn unig, a dealltwriaeth eang na fyddai gennyf fel arfer.”

Rhesymau gwell byth i ddefnyddio **GPTR**

Bydd y manylion clinigol sydd yn y cais yn cael eu cynnwys yn yr adroddiad o ganlyniadau, gan wella ansawdd gwybodaeth a rhoi darlun mwy llawn i'r clinigydd o'r claf.

Bydd yn lleihau profion diangen ar gleifion, sy'n golygu llai o waedu i gleifion, oherwydd bod y profion angenrheidiol wedi'u diffinio ymlaen llaw, a'u bod yn gysylltiedig â'r llawlyfr patholeg.

Bydd ceisiadau yn rhoi'r 'darlun cyfan' - ni fydd unrhyw wybodaeth feddyginiaethol neu wybodaeth gymhwyso ar goll.

Bydd yn lleihau camgymeriadau trawsgrifio oherwydd caiff manylion y claf eu cymryd o gofnodion meddygon teulu a'u cynnwys yn y cais am brawf.

Bydd y canlyniadau'n cael eu dychwelyd yn uniongyrchol at y sawl sy'n gwneud y cais, a gallant gael eu holrhain yn hawdd.

Bydd GPTR yn ymuno â systemau meddygon teulu eraill, gan roi gwybodaeth well i feddygon teulu am hanes cleifion.

Gall staff practisiau meddygon teulu weld canlyniadau o ofal sylfaenol ac o ofal eilaidd, o ba le bynnag yng Nghymru, gan roi darlun mwy cyflawn o'r claf iddynt.

